

Төв аймгийн нийгэм, эдийн засгийн байдал (2014 оны 10 дугаар сарын байдлаар)

I. Нийгмийн үзүүлэлт




I.1 Бүртгэлтэй ажилгүй иргэн.

2014 оны 10 дугаар сард Хөдөлмөрийн хэлтэст бүртгэлтэй ажилгүйчүүдийн тоо 774 болж, 2013 оны мөн үеэс 756 хүнээр, өмнөх сарынхаас 21хүнээр тус тус буурав.

Ажилгүйчүүдийн 48,32 хувь буюу 374 нь эмэгтэйчүүд юм. 2014 оны эхнээс 1996 ажлын байр захиалгад бүртгэгдсэнээс 1399 ажлын байранд иргэд зуучлагдан ажилд оров. Ажилд зуучлагдсан иргэдийн 41,03 хувь буюу 574 нь эмэгтэйчүүд байна.

Зураг I.1

Хөдөлмөр эрхлэлтийн байгууллагад шинээр бүртгүүлсэн болон ажилд зуучлагдан орсон иргэд, жил бүрийн 10 дугаар сарын эцсийн байдлаар




Тайлант сард бүртгүүлсэн 303 ажилгүй иргэний 25,1 хувь нь мэдлэг чадвараа ашиглан орлогоо нэмэгдүүлэх; 21,1 хувь нь цалин орлого хүрэлцэхгүй байгаа; 16,5 хувь нь сургууль төгссөн, чөлөө авсан; 12,9 хувь нь өрхийн болон хувийн аж ахуй эрсдэлд орж орлогогүй болсон; 4,6 хувь нь өөр газраас шилжин ирсэн; 2,6 хувь нь орон тооны цомхтголд орсон; 2,0 хувь нь гүйцэтгэж буй ажил албан

тушаалдаа тэнцэхгүй болсон; 1,3 хувь нь одоо эрхэлж буй ажлаа солих; 0,7 хувь нь байгууллага татан буугдсан; 0,7 хувь нь гадаадаас эргэж ирсэн; 0,3 хувь нь цэргээс халагдсан; 0,3 хувь нь хорих газраас суллагдсан; 11,9 хувь нь бусад шалтгаанаар тус тус бүртгүүлжээ.

Ажилгүйчүүдийг боловсролын төвшинээр хуваавал 4,52% нь дээд; 14,99% нь тусгай дунд; 47,80% нь мэргэжлийн анхан шатны; 9,56% нь бүрэн дунд; 5,81% нь бүрэн бус дунд боловсролтой; 17,31% нь бага буюу боловсролгүй иргэн байна.

Зураг I.2

Бүртгэлтэй ажилгүй иргэд, боловсролын түвшнээр, 2014 оны 10 дугаар сарын эцсийн байдлаар



Эх үүсвэр: Хөдөлмөрийн хэлтсийн сар бүрийн мэдээ

*- Ажил хайгч гэж ажилгүй эсхүл ажилтай боловч ажлын нөхцөлөө сайжруулах, нэмэлт орлого олох зорилгоор ажил хайж хөдөлмөр эрхлэлтийн байгууллагад бүртгүүлсэн иргэнийг ойлгоно.



I.2 Нийгмийн даатгал, халамж

Нийгмийн даатгалын байгууллагын мэдээгээр 2014 оны эхний 10 сард НДШ-ийн орлого 9.1 тэрбум ₮ болж төлөвлөгөө 84.8 хувь болж, төлөвлөгөөг Борнуур сум 2.2 хувиар давуулан биелүүлж, бусад сум 20.6-7.5 хувиар тасалдууллаа. Сайн дурын

НДШ-ийн орлого 415.4 сая ₮ болж төлөвлөгөөг бүх сум 30.9-1.5 хувиар тасалдууллаа.

Тэтгэвэр, тэтгэмжинд 20.6 тэрбум ₮ зарцуулж, олголт 100.0 хувь боллоо. Олгосон тэтгэвэр, тэтгэмжийн 80.2 хувийг өндөр настны, 10.4 хувийг хөгжлийн бэрхшээлтэй иргэдийн, 4.0 хувийг тэжээгчээ алдсаны, 5.4 хувийг цэргийн тэтгэвэрт тус бүр зарцуулжээ.

Нийгмийн даатгалын сангаас олгосон дундаж тэтгэвэр 228670 ₮ боллоо.

Нийгмийн даатгалын нийт зарлагын 38.5% хувийг орлогоороо бүрдүүлснээс тэтгэврийн даатгалын сангийн 27.5%; тэтгэмжийн даатгалын сангийн 94.4%; эрүүл мэндийн даатгалын сангийн 93.7%; үйлдвэрлэлийн осол мэргэжилээс шалтгаалах өвчний даатгалын сангийн 106.6%; ажилгүйдлийн даатгалын сангийн 94.3%-ийг тус бүр бүрдүүлжээ.

Нийгмийн халамж

Нийгмийн халамж, үйлчилгээний хэлтсийн мэдээгээр 2014 оны эхний 10 сард нийгмийн халамжийн тэтгэвэр, тэтгэмж, тусламжийг 49351 хүнд олгож, 8.3 тэрбум₮-ийг зарцуулж 2013 оны мөн үеэс хүний тоо 13.75 хувь 7872 хүнээр буурч, зарцуулсан мөнгөний хэмжээ 43.10 хувь 2.5 тэрбум₮-өөр өслөө.

Нийгмийн халамжийн дундаж тэтгэвэр 105960 ₮ болжээ. Олгосон тэтгэвэр, тэтгэмж, тусламжийн 32.03 хувийг хүүхдийн хөгжил сангийн мөнгө; 27.46 хувийг халамжийн тэтгэвэр; 10.88 хувийг жирэмсэн болон нярай, хөхүүл хүүхэдтэй эхчүүдийн мөнгөн тэтгэмж; 6.77 хувийг төрөл бүрийн нөхцөлт мөнгөн тусламж; 2.45 хувийг нийгмийн халамжийн дэмжлэг тусламжаа шаардлагатай иргэнд үзүүлэх хөнгөлөлт, нөхцөлт мөнгөн тусламж; 4.42 хувийг ахмад настан, хөгжлийн бэрхшээлтэй иргэдэд нийгмийн хамгааллын хуулийн дагуу олгогдож байгаа хөнгөлөлт, тусламж; 1.18 хувийг алдар цолтой ахмадуудад үзүүлсэн хөнгөлөлт, тусламжид тус бүр зарцуулжээ.




1.3 Эрүүл мэнд

2014 оны эхний 10 сард 12893 өвчтөн эмнэлэгт хэвтэн эмчлэгдэн гарсан нь нэг өвчтөнд дунджаар 12.7 ор хоног ногдлоо.

Эрүүл мэндийн байгууллагын мэдээгээр 2014 оны эхний 10 сард 1138 хүүхэд мэндэлсэн нь 2013 оны мөн үеэс 111 хүүхдээр өслөө.

Амаржсан эх, амьд төрсөн хүүхдийн тоо, жил бүрийн 10 дугаар сарын байдлаар.



Аймгийн хэмжээнд 2014 оны эхний 10 н сард нялхсын эндэгдэл 18 хүүхэд гарч өмнөх оны мөн үеэс 9-өөр өссөн байна.

5 хүртлэх насандаа эдсэн хүүхэд 1 хүүхэд гарсан ба өмнөх онд 1 хүүхэд буюу ижил байна.

Зураг 1.4


Эндсэн хүүхдийн тоо, жил бүрийн 10 дугаар сарын байдлаар



2014 оны эхний 10 сард нийт гарсан халдварт өвчнөөр 396 хүн өвчилсөн нь өмнөх оны мөн үеэс 65.8 хувь буюу 205 хүнээр буурлаа. 2013 оны мөн үеэс трихомениаз 2.5 дахин, заг хүйтэн 1.4 дахин тус бүр өсчээ. 10000 хүнд ногдох өвчлөл аймгийн дундаж 45 байгаа бол: Зуунмод 129, Сүмбэр 81, Мөнгөнморьт 66, Сэргэлэн 54, Цээл 45, Дэлгэрхаан 32, ногдлоо.

Зураг 1.5

10000 хүн амд ногдох халдварт өвчнөөр өвчлөгчдийн тоо, жил бүрийн 10 дугаар сарын байдлаар



1.4 Байгаль орчин

Цаг агаарын тойм, агаарын бохирдол

Төв аймгийн 2014 оны 10-р сарын цагаарын байдлыг Олон жилийн дундажтай харьцуулсан тойм

- агаарын дундаж температур нийт нутгаар 0-5 градус дулаан, Мөнгөнморьтод 0.3 градус хүйтэн сэрүүвтэр, Дэлгэрхаан орчмоор 4,6 градус, Өндөрширээт 4,5 градус, хамгийн дулаан нь байв.

- өдөр ажиглагдсан агаарын хамгийн дулаан температур нь 14-21 градус буюу Борнуур, Лүн, Өндөрширээт, Эрдэнэсант, Мааньт, Жаргалант орчмоор 20-21 градус хүрч дулаарсан байхад Зуунмод, Эрдэнэ орчмоор арай сэрүүвтэр 14 градус дулаан байв.

- шөнийн хугацаанд ажиглагдсан хамгийн бага температур нь хасах 9-18 градус, Дэлгэрхаан орчмоор харьцангуй дулаавтар -9 градус хүйтэн, нутгийн өмнөд хэсгээр хүйтэвтэр, хамгийн бага нь Мааньт, Эрдэнэ орчмоор -18 градус хүйтэн байжээ.

- бүх нутгаар сарын нийлбэр хур тунадас 0.4 -9,7 мм буюу Лүнд 0.4 мм хамгийн бага нь, нутгийн баруун өмнөд хэсгээр арай ахиу, үүнээс хамгийн их нь Баян-Өнжүүлд 9,7 мм, Дэлгэрхаанд 7,5 мм хур тунадас, нойтон цас оржээ.

- салхины их хурд бүх нутгаар 6-11 м/с, зарим газраар 12-14 м/с, Баянжаргалан, Зуунмод, Лүн, Угтаал, Баянчандманьд түр зуур 15-17 м/с хүрсэн байлаа.

Олон жилийн дундажтай харьцуулсан дүгнэлт

Цаг агаарын үзүүлэлтүүдийг 2013 оны 10-р сартай харьцуулахад:

2014 оны 10-р сард хур тунадас, цас нутгийн баруун өмнөд хэсгээр хэмжээний хувьд ахиу, ихэнх нутгаар бага орж, нийт нутгаар хугацааны эхээр харьцангуй дулаавтар, эцсээр сэрүүхэн байв.

Агаарын дундаж нь дудаан, үнэмлэхүй их, бага температурыг авч үзвэл, өмнөх оноос хүйтэн байлаа. 2013, 2014 оны 10-р сарууд нь салхи шуурга багатай хөдөө аж ахуйн үйлдвэрлэл, хадлан тэжээл бэлтгэх, тариа ногоо хураах, өвөлжилтийн бэлтгэл хангах ажилд нэн тааламжтай байлаа.

Цаг агаарын үзүүлэлтүүдийг 2013 оны 10-р сартай харьцуулахад:

-агаарын дундаж температур нь нийт нутгаар ойролцоо буюу 0-2 градусаар дулаан

-өдрийн хамгийн их температур нь 0-6 градусаар хүйтэн, /Өндөрширээт, Дэлгэрхаанд 6 градусаар/

-шөнийн хамгийн бага температур нь өмнөх оныхоос 1-5 градусаар хүйтэн, /Мааньтад 5 градусаар/

-сум тус бүрээр тунадасны нийлбэрийг гаргаж үзэхэд нутгийн баруун өмнөд хэсгээр хэмжээний хувьд ахиу, ихэнх нутгаар дунджийн орчим буюу бага хур тунадас оржээ. Энэ сард ихэнх хугацаанд өдөртөө дулаавтар цаг агаар тогтвортой, салхи шуурга багатай байсан учир мал аж ахуй, газар тариалангийн үйлдвэрлэл, ургац хураалтанд нэн таатай байлаа. Харин цаг агаарын аюултай үзэгдлийн хэмжээнд хүрсэн салхи шуурга болоогүй.

2014 ОНЫ АРВАН НЭГДҮГЭЭР САРЫН ЦАГ АГААРЫН УРЬДЧИЛСАН МЭДЭЭ
Төв аймгийн нутгаар. Аналог 2010 он / адил төстэй

Төв аймгийн нутгаар. Агаарын температурын сарын дундаж нь 8-13 градус хүйтэн байх бөгөөд ихэнх нутгаар олон жилийн дунджаас 0.5-1.0 градусаар дулаан байна.

Дулаан байх үе: Нэгдүгээр арав хоногийн эхний хагаст шөнөдөө 5-10 градус хүйтэн, өдөртөө 6-11 градус дулаан байна.

Бага зэрэг дулаавтар байх үе: Хоёрдугаар арав хоногийн дунд үеэр ихэнх нутгаар шөнөдөө 9-14 градус хүйтэн, өдөртөө 1-6 градус дулаан байна.

Хүйтрэх үе: Нэгдүгээр арав хоногийн сүүлч, хоёрдугаар арав хоногийн эхээр хүйтэрч ихэнх нутгаар шөнөдөө 11-16, өдөртөө 3-8 градус хүйтэн байна. Гуравдугаар арав хоногийн дунд үеэр Төв аймгийн зүүн хэсгээр шөнөдөө 22-27, өдөртөө 12-17 градус хүйтэн, бусад нутгаар шөнөдөө 18-23, өдөртөө 9-14 градус хүрч хүйтрэх төлөвтэй.

Бусад хугацаанд: Уулархаг нутгаар шөнөдөө 23-28, өдөртөө 11-16 градус хүйтэн, бусад нутгаар шөнөдөө

15-20, өдөртөө 6-11 градус хүйтэн байна.

Нэгдүгээр арав хоногийн дунд үе, хоёрдугаар арав хоногийн эхэн болон сүүлч, гуравдугаар арав хоногийн эхээр зарим газраар цас, нэгдүгээр арав хоногийн сүүлч, гуравдугаар арав хоногийн дунд үе болон сүүлчээр нутгийн хойд хэсгээр бага зэргийн цас орох төлөвтэй.

Салхи нэгдүгээр арав хоногийн дунд үе, гуравдугаар арав хоногийн дунд үе болон сүүлчээр ихэнх нутгаар 12-14 м/с хүрч ширүүснэ. Хоёрдугаар арав хоногийн эхэн ба сүүлч, гуравдугаар арав хоногийн эхээр зарим газраар 18-20 м/с хүртэл ширүүсч шороон болон цасан шуурга шуурах төлөвтэй.

ХӨДӨӨ АЖ АХУЙН ҮЙЛДВЭРЛЭЛД
ХЭРХЭН НӨЛӨӨЛӨХ ТУХАЙ

11 дүгээр сарын цаг агаарын урьдчилсан мэдээгээр агаарын дундаж температур нийт нутгаар олон жилийн дунджаас дулаан, тунадас ихэнх нутгаар олон жилийн дунджийн орчим орох төлөвтэй байна.

Сарын дундаас цасан бүрхүүл нийт нутгаар тогтож, сүүл үеэр тал хээр, говийн нутгаар хүчтэй цасан болон шороон шуурга шуурч, малын хариулга, маллагаанд таагүй нөлөөлөхөөр байгааг анхаарна уу.

2014 ОНЫ АРВАН ХОЁРДУГААР
САРЫН ЦАГ АГААРЫН ТӨЛӨВ

Төвийн нутаг Агаарын температурын сарын дундаж нь ихэнх нутгаар 15-20 градус хүйтэн буюу бүх нутгаар олон жилийн дунджаас 1.0-1.5

градусаар хүйтэн байна. Энэ сард орох хур тунадасны хэмжээ нь бүх нутгаар олон жилийн дунджаас ахиу байх төлөвтэй.




1.5 Гэмт хэрэг

Цагдаагийн байгууллагын мэдээгээр 2014 оны эхний 10 сард аймгийн хэмжээнд 810 гэмт хэрэг бүртгэгдэж 689 хүн холбогдож төр, иргэдийн өмчид 2.3 тэрбум₮-ийн хохирол учирлаа.


Зураг 1.8

Бүртгэгдсэн гэмт хэргийн тоо, жил бүрийн 10 дугаар сарын байдлаар



Зураг 1.9

Гэмт хэргийн улмаас гэмтсэн, нас барсан хүний тоо, жил бүрийн 10 дугаар байдлаар



Гарсан гэмт хэргийн 42.22 хувь нь хулгай, 25.06 хувь нь иргэний эрүүл мэнд эрх чөлөөний хэрэг, 12.22 хувь нь

бусад хэрэг. 15.93 хувь нь замын осол, 3.33 хувь нь танхай дээрэм, 1.23 хувь нь хүний амийн хэрэг тус бүр эзлэв. Сэргэлэн, Баяндэлгэр, Аргалант, Баян, Баянхангай сумдад 10000 хүнд 364-136 гэмт хэрэг ногдсон нь аймгийн дунджаас (92)-оос харьцангуй их байна.

Гэмт хэргийн тоо 2013 оны мөн үеэс 35 хэргээр өслөө.

Зуунмод суманд 36 эмэгтэй, 929 эрэгтэй нийт 965 хүн эрүүлжүүлэгдсэн нь 2013 оны мөн үеэс 160 хүнээр буурлаа.


Гэмт хэргийн улмаас учирсан хохирлын хэмжээ, жил бүрийн 10 дугаар сарын байдлаар, тэр-бум төгрөгөөр



Шүүхийн шийдвэр гүйцэтгэл

Шүүхийн шийдвэр гүйцэтгэлийн албаны 2014 оны эхний 10 сарын мэдээгээр ажиллагаа хийгдэж байгаа 1324 гүйцэтгэх хуудсанд нийт 3.76 тэрбум ₮-ийн төлбөр тэтгэлэг ногдов. Үүнээс 498 гүйцэтгэх хуудсанд ногдох 879.3 сая ₮-ийн материалд шүүхийн байцаан шийтгэх ажиллагаа хийгдэж, биелүүлбэл зохих 826 гүйцэтгэх хуудасны 2.9 тэрбум ₮-өөс 424 хуудасны 2.1 тэрбум ₮-ийг биелүүлж, бодит биелэлтийн хувь гүйцэтгэх хуудсны тоогоор 51.33 хувь, үнийн дүнгээр 71.2 хувь болж 2013 оны мөн үеэс гүйцэтгэх

хуудасны биелэлт 8.92 нэгжээр, үнийн дүнгийн биелэлт 48.25 нэгжээр тус тус өслөө.



II. Эдийн засгийн үзүүлэлт



II.1 Мөнгө, зээл, хадгаламж

ХААН, Хадгаламж, Хас банкны салбаруудын дүнгээр 2014 оны эхний 10 сард кассын орлого 551.6 тэрбум ₮, кассын зарлага 550.8 тэрбум ₮ болж, гүйлгээнд 1.2 тэрбум ₮ байна.

ХААН, Хадгаламж, Хас банкны салбарууд иргэд, аж ахуйн нэгж, байгууллагуудад жижиг худалдаа, үйлдвэрлэлийг дэмжих үүднээс бичил бизнес болон нийт олгосон зээлийн үлдэгдэл 10 сарын 31-ний байдлаар 118.8 тэрбум ₮, байгаа нь өмнөх оны эцсээс 27.8 тэрбум ₮-өөр өслөө.

2014 он гарсаар Засгийн газраас бичил бизнесийг дэмжих ажлын хүрээнд зээлдэгч нарт 13.3 тэрбум төгрөгийн зээл олгожээ.

Иргэдийн хувийн хадгаламжинд 10 сарын 31-ний байдлаар 37.4 тэрбум ₮ байна.

Харилцах дансны үлдэгдэл 10 сарын 31-ны байдлаар 262150 иргэний 11.1 тэрбум ₮ боллоо. ХААН, Төрийн, Хас банкны салбарууд иргэдийн хадгаламжинд төлж байгаа хугацаатай дээд хүү 1.34-1.35 хувь, хугацаатай доод хүү 0.65-0.70 хувь, хугацаагүй дээд хүү

0.60-0.61 хувь, хугацаагүй доод хүү 0.50-0.58 хувьтай байна.



II.2 Төсөв, мөнгө

Төсвийн орлого 2014 оны эхний 10 сард орон нутаг ба аймаг төвлөрүүлснээр орлого 9.6 тэрбум ₮, зарлага 50.9 тэрбум ₮ болж, аймаг, орон нутгийн төсвийн орлогоор тооцоход орлогын төлөвлөгөө 122.00 хувь биелэгдэж, үндсэн нэрийн татварын орлогуудаас: Бууны албан татвар, газрыг төлбөр, байгалийн ургамал, төсөвт газрын өөрийн орлогын төлөвлөгөө биелэгдсэнгүй.

Аймгийн төсвийн орлого 2013 оны мөн үеэс 20.0 хувь буюу 1.6 тэрбум ₮-өөр өслөө. Аймгийн төсвийн орлогын 84.47 хувийг татварын, 15.10 хувийг татварын бус, 0.43 хувийг хөрөнгө борлуулсны орлогууд бүрдүүлж байгаа нь 2013 оны мөн үеэс татварын орлого 4.18 нэгжээр өсч, татварын бус орлого 3.39 нэгжээр, хөрөнгө борлуулсны орлого 0.78 нэгжээртус бүр буурлаа.

Аймгийн нийт 3 шатны орлого 13.1 тэрбум ₮ болж аймгийнх 7.9 тэрбум ₮ буюу 59.78 хувь, сумынх 1.6 тэрбум ₮ буюу 12.76 хувь, улсынх 3.6 тэрбум ₮ буюу 27.46 хувийг тус бүр бүрдүүлжээ.

2013 оны мөн үеэс төсөвт байгууллагуудын өглөг 4.01 хувь буюу 21.1 сая ₮-өөр өсч 549.1 сая ₮, авлага 22.06 хувь буюу 27.4 сая ₮-өөр өсч 151.5 сая ₮ боллоо.

Орон нутгийн төсвийн орлого 9.1 тэрбум ₮ болж, төлөвлөгөө 124.55 хувиар биелэгдэж. Суманд төвлөрүүлэх төсвийн орлого 1.6 тэрбум ₮ болж, төлөвлөгөө 219.71 хувь биелж, Эрдэнэсант 9.07 хувиар тасалдууллаа. Аймагт төвлөрүүлэх төсвийн орлогын төлөвлөгөө 7.9 тэрбум ₮ болж 111.42 хувь биелж, Баянжаргалан, Сүмбэр, Борнуур,

Жаргалант, Цээл, Баянхангай, Өндөрширээт, Эрдэнэсант, Угтаал, Мөнгөнморьт, Баян-Өнжүүл, Батсүмбэр, Дэлгэрхаан сумд 41.29-1.57 хувиар тасалдууллаа.



II.3 Хэрэглээний бараа,


үйлчилгээний үнэ

2014 оны 10 дугаар сард ХҮИ /хэрэглээний үнийн индекс/ суурь үе болох 2010 оны 12 дугаар сараас 49,78%, өмнөх оны мөн үеэс 10,32%, өмнөх сараас 0,49 хувиар тус тус өсөв.

10 дугаар сард өмнөх сартай харьцуулахад нийт өрхийн хүнсний хэрэглээнд өндөр хувийн жин эзэлдэг сүү сүүн бүтээгдэхүүн, өндөгний дэд бүлгийн үнэ 10,63%; хүнсний ногооны дэд бүлэг 7,02%; төрөл бүрийн өөх, тосны дэд бүлгийн үнэ 2,43%; саахар жимсний чанамал, зөгийн бал, чихэр, шоколадны дэд бүлгийн үнэ 1,11%-аар тус тус өслөө. Мах махан бүтээгдэхүүний дэд бүлгийн үнэ 8,94%, жимс жимсгэний дэд бүлгийн үнэ 4,88%; талх гурил, будааны дэд бүлгийн үнэ 0,6%-аар тус тус буурч хүнсний бусад бүтээгдэхүүний дэд бүлгийн үнэ тогтвортой байв.

Зураг II.4

Хэрэглээний үнийн аймгийн индекс (өмнөх оны 12 сар=100)



Хэрэглээний үнийн индексийн 2014 оны 10 дугаар сарын 0.49 хувийн өсөлтийн 0,33 нэгж нь орон сууц, ус цахилгаан, хийн болон бусад түлшний бүлэгт ногдож байв.

Зураг II. 5

Инфляцийн өсөлтөд үзүүлсэн бүлгүүдийн нөлөөлөл

Бараа, үйлчилгээний бүлэг	2014 оны 10-р сард	
	пунктээр	хувиар
Бүгд	0.49	100.00%
01. ХҮНСНИЙ БАРАА, СОГТУУРУУЛАХ БУС УНДАА	-0.41	-84.73%
02. СОГТУУРУУЛАХ УНДАА, ТАМХИ, МАНСУУРУУЛАХ БОДИС	0.00	0.00%
03. ХУВЦАС, БЭС БАРАА, ГУТАЛ	0.29	59.86%
04. ОРОН СУУЦ, УС, ЦАХИЛГААН, ХИЙН БОЛОН БУСАД ТҮЛШ	0.33	67.41%
05. ГЭР АХУЙН ТАВИЛГА, ГЭР АХУЙН БАРАА	0.11	22.25%
06. ЭМ, ТАРИА, ЭМНЭЛГИЙН ҮЙЛЧИЛГЭЭ	0.06	11.27%
07. ТЭЭВЭР	0.00	0.00%
08. ХОЛБООНЫ ХЭРЭГСЭЛ, ШУУДАНГИЙН ҮЙЛЧИЛГЭЭ	-0.05	-9.69%
09. АМРАЛТ, ЧӨЛӨӨТ ЦАГ, СОЁЛЫН БАРАА, ҮЙЛЧИЛГЭЭ	0.07	14.61%
10. БОЛОВСРОЛЫН ҮЙЛЧИЛГЭЭ	0.00	0.00%
11. ЗОЧИД БУУДАЛ, НИЙТИЙН ХООЛ, ДОТУУР БАЙРНЫ ҮЙЛЧИЛГЭЭ	0.01	3.00%
12. БУСАД БАРАА, ҮЙЛЧИЛГЭЭ	0.08	16.03%



II.6 Барилга

Төв аймгийн барилгын гүйцэтгэгч аж ахуйн нэгж байгууллага болон иргэд 2014 оны эхний 10 сард 10,6 тэрбум₮-ийн барилга угсралт, их засварын ажил гүйцэтгэлээ. Гүйцэтгэлийг 2013 оны мөн үетэй харьцуулахад 1,7 дахин буюу буюу 6,7 тэрбум₮-өөр өсөв.


Барилга угсралт их засварын ажлын 12.4 хувь нь орон сууцны барилгад; 28,42 хувь нь орон сууцны бус барилгад; 59,18 хувь нь инженерийн барилга байгууламжид ногдож байна. Энэ нь 2013 оны мөн үетэй харьцуулахад орон сууцны бус барилгын ажил 21,01 пунктээр буурч; орон сууцны барилгын ажил 2,7 пунктээр; инженерийн барилга байгууламжийн ажил 18,31 пунктээр тус тус өссөн үзүүлэлт юм.

Барилгын салбарт ажиллагсадын тоо 2013 оны мөн үеэс 18 хүнээр

буурч,цалингийн сан 189,1 сая ₮-өөр өсөв.

Зураг II.8

Барилгынажлынгүйцэтгэл, жил бүрийн 10 дугаар сарын байдлаар, сая төгрөгөөр



II.7 Холбоо

Холбоо ашиглалтын орлого оны эхний 10 сард 227.2 сая ₮ болж, үүнээс хүн амаас орсон орлого 115.5 сая ₮ болж, өмнөх оны мөн үетэй харьцуулхад 9.8 хувь буюу 20.3 сая ₮-өөр өслөө.

Шуудан холбооны албаны үйлчилгээний орлого 16.4 сая ₮ болж, нийт орлогын 79.1 хувь нь хүн амд үйлчилсэний орлого байна. Нийт орлогын 20.86 хувийг албан бичгийн, 13.22 хувийг зорчигчдийн, 65.91 хувийг бусад орлого эзлэв.

Зураг II.10

Холбоо ашиглалтын орлого, жил бүрийн 10 дугаар сарын байдлаар, сая төгрөгөөр

